




Republic of the Philippines  
**Department of Education**  
REGION V - BICOL  
**SCHOOLS DIVISION OFFICE OF CATANDUANES**




January 31, 2022

MEMORANDUM PANSANGAY  
OSDS- SGOD -DM- 59 S. 2022

Sa : Kawaksing Tagapamanihala  
Hepe ng CID at SGOD  
Mga Tagamasid Pansangay  
Mga Tagamasid Pampurok  
Mga Pinuno ng Paaralang Elementarya  
Mga Guro sa Ikaapat na Baitang

**PANSANGAY NA IMPLEMENTASYON NG PAMPINANSYAL NA KAALAMANG  
PROGRAMA NG CHA-CHING**

1. Alinsunod sa Memorandum Panrehiyon blg. 43 s. 2020 tungkol sa *Implementasyon ng Cha- Ching Program Taong- Aralan 2020-2021*, ang kagawaran ng Edukasyon Rehiyon V ay patuloy na isinusulong ang Pampinasyal na Kaalamang Programa ng Cha- Ching sa pakikipagtulungan ng JA Philippines. Layunin ng nasambit na programa na patuloy na mapaunlad ang pangunahing konsepto ng pagpapahalagang pampinasyal na kaalaman sa key stage 2 ng kurikulum ng K to 12 partikular sa baitang 4.
2. Upang masiguro ang maayos at mabisang pagpapatupad ng programa, inilakip dito ang gabay na nagtatakda ng pamamaraan sa pagpapatupad at pagsubaybay ng nasambit na programa.
3. Hinihiling ng tanggapanang ito na ang mga Tagamasid Pampurok ang siyang mamumuno sa pagpapatupad ng Cha-Ching sa kanilang distrito. Iminumungkahi din na magkaroon ng oryentasyon sa mga guro at mga magulang bago simulan ang pagpapatupad ng nasambit na programa.
4. Para sa inyong kaalaman, patnubay at malawakang pagpapalaganap.

  
**SUSAN S. COLLANO**  
Kawaksing Tagapamanihala  
Namumuno ng Sangay  
Tanggapan ng Tagapamanihala

Encl: as stated  
To be indicated in the Perpetual Index under the following subjects:  
Programa Curriculum Materials  
ATB-DM-016-11-21  
Pansangay Na Implementasyon Ng Pampinansyal  
Na Kaalamang Programa Ng Cha-Ching





Republic of the Philippines  
**Department of Education**  
REGION V - BICOL

DEPARTMENT OF EDUCATION  
REGIONAL OFFICE NO. V  
RAWIS, LEGAZPI CITY

14 Setyembre 2020

**MEMORANDUM PANREHIYON**  
Blg. 60 s. 2020

SEP 14 2020

RELEASED BY: 

**GABAY SA PAMPINANSIYAL NA KAALAMANG PROGRAMA NG CHA-CHING**

Sa mga: **Tagapamanihala ng mga Paaralan**  
**Pansangay na Tagapag-ugnay ng Programa**  
**Pinuno ng mga Paaralan sa Elementarya**

1. Kaugnay sa plano ng patuloy na pagkatuto at sa programang pampinansiyal na kaalaman ang Departamento ng Edukasyon Rehiyon V sa tulong ng JA Philippines ay nagsusulong ng pampinansiyal na kaalamang programa ng Cha-Ching upang mapaunlad ang pangunahing konsepto at pagpapahalagang pampinansiyal na kaalaman sa key stage 2 ng kurikulum ng K to 12 partikular sa baitang 4.
2. Upang maayos at mabisang maipatupad ang pampinansiyal na kaalamang programa ng Cha-Ching ang kalakip na Gabay ay nagtatakda ng pamamaraan sa pagpapatupad at pagsubaybay nito.
3. Para sa iba pang detalye maaaring makipag-ugnay sa Curriculum and Learning Management Division sa pamamagitan ni Nora J. Laguda sa telepono blg. 0927 356 1183 o mag-email sa nora.laguda@deped.gov.ph.
5. Para sa inyong kaalaman, patnubay at malawakang pagpapalaganap.

012382

  
**GILBERT T. SADSAD**  
Panrehiyong Direktor

Kalakip: Gaya ng nasasaad  
Itatagay sa Palagiang Talatuntunan  
sa ilalim ng sumusunod na paksa:

Kurikulum Guro Gabay/Polisiya Programang Pampinansiyal na Kaalaman

cld/bulalacao/olay



Regional Center Site, Rawis, Legazpi City 4500

0917 178 1288





Republic of the Philippines  
**Department of Education**  
REGION V - BICOL

Kalakip ng Memorandum Panrehiyon Blg. 60 s. 2020

## GABAY SA PAMPINANSIYAL NA KAALAMANG PROGRAMA NG CHA-CHING

### I. Rasyunal

Ang Departamento ng Edukasyon (DepEd) Rehiyon V sa paniniwala na ang kaalamang pampinansiyal ay mahalagang kasanayan sa buhay na kailangang maikintal sa murang edad at maituro sa maayos na pamamaraan lalo na sa pagharap ng mga bata sa anumang kalagayan ng panahon at sitwasyon ng buhay ay nakipagtulungan sa JA Philippines upang maihatid sa mga batang mag-aaral ang pampinansiyal na kaalamang programa ng Cha-Ching.

Ang nabanggit na paniniwala ay ibinatay sa isinagawang pananaliksik ng Prudence Foundation, isang pampribadong organisasyon patungkol sa Pampinansiyal na Kaalaman ng mga bata sa ibayong Asya, naipakita na 13% ng mga magulang ang naniniwala na ang kanilang mga anak ay nagtataglay ng mabuting kasanayan sa pamamahala ng pera bagaman halos karamihan ng magulang (96%) ang nagpapalagay na mahalagang ito ay matutuhan nila. Ang natuklasang ito ang nagbigay-daan sa Prudential upang ilunsad ang Programang Cha-Ching noong Setyembre 2011.

Ang pagsusulong ng pampinansiyal na kaalamang programa ng Cha-Ching sa key stage 2 ng kurikulum ng K to 12 partikular sa baitang 4 ng DepEd Rehiyon V ay batay sa *Basic Education Act of 2013, Republic Act (RA) 105333*, na nagsasaad ng pantay na karapatan ng bawat batang Pilipino na matuto, at nagbibigay-pahintulot sa mga pinuno ng edukasyon na maghatid ng kinakailangang kaalaman naaayon sa pangangailangan ng nasasakupan tulad ng pampinansiyal na kaalaman. Ito rin ay naka-angkla sa *Personal Financial Management Program (PFM) ng Field Technical Assistance Division (FTAD) DepED Rehiyon V*.

Dahil sa nabanggit sa itaas, ang Gabay na ito ay naglalayong maitaguyod ang pamamaraan sa pagpapatupad at pagsubaybay ng programa para sa mga guro at mag-aral na mapaunlad ang pampinansiyal na kaalaman.



Regional Center Site, Rawis, Legazpi City 4500

0917 178 1288







Republic of the Philippines  
**Department of Education**  
REGION V - BICOL

## II. Saklaw ng Gabay

Ito ay nagbibigay ng Gabay sa pagsusulong ng pampinansiyal na kaalamang programa ng Cha-Ching sa DepEd Rehiyon V. Saklaw nito ang pamamaraan ng pagpapatupad at pagsubaybay ng gawain.

## III. Katuturan ng Talakay

Ang sumusunod na mga salita ay binigyang-katuturan batay sa talakay ng konteksto sa gabay ng programa:

- a. **Pampinansiyal na Kaalaman** ay tumutukoy sa apat na susing konsepto ng pamamahalang pampera na Kumita, Mag-ipon, Gumastos at Magkawanggawa sa pang-araw-araw na pamumuhay ng mga mag-aaral.
- b. **Cha-Ching** ay ang pampaaaralang kurikulum sa pampinansiyal na kaalaman para sa mga mag-aaral sa baitang 4 na binuo ng Prudence Foundation kasosyo ang Cartoon Network sa tulong ni Dr. Alice Wilder, dalubhasa sa edukasyong pambata, at sa pamamahala ng JA Philippines sa bansang Pilipinas. Ang programa ay naitatag kabilang ang mga elemento na tumutugon sa pangangailangan ng mga bata sa pagkatuto:
  - Serye ng tatlong-minutong musikal na video/komiks nakatuon sa mga batang may edad 7 hanggang 12 (nasa ngayon ay mayroon ng salin sa 10 wika)
  - Website na may mga laro at aplikasyon na magsasangkot sa mg bata sa makatotohanang senaryo sa pamamahalang pampera upang mapatibay ang kanilang natutuhan mula sa musikal na video/komiks
  - Online na mga sanggunian at mga gawaing-bahay na maaaring gawing magkasama ng magulang at mga anak
  - Mobile na aplikasyon na makatutulong sa mga bata na masundan ang ikot ng kanilang pera at masanay pa ang kanilang natutuhan
- c. **Kontekstuwalisadong Modyul ng Cha-Ching** ay mapatnubay at malayang pagkatutong mga modyul (*self-directed learning modules*) na binuo ng Departamento ng Edukasyon Rehiyon V sa pamumuno ng Panrehiyong Direktor **Gilbert T. Sadsad** para sa mga mag-aaral sa baitang 4. Layunin nito na makatulong na maikintal ang



Regional Center Site, Rawis, Legazpi City 4500

0917 178 1288





Republic of the Philippines  
**Department of Education**  
REGION V - BICOL

matalinong-pamperang kakayahan sa mga bata sa rehiyon. Hinihikayat nito ang mga mag-aaral na gumamit ng iba-iba at mapanuring pag-iisip sa pagpapasya kung paano mamahala ng kanilang pera gamit ang apat na konseptong Kumita, Mag-ipon, Gumastos at Magkawanggawa sa kanilang pang-araw-araw na buhay. Ang mga ito ay nakatutulong sa pag-unlad ng positibong pag-uugali habang nalilinan ang kanilang pamperang-pamamahalang kasanayan.

Ito ay binubuo ng anim (6) na modyul at ang napiling kagamitang pampagkatuto na ipamamahagi at gagamitin ng mga mag-aaral sa Baitang 4 ng DepEd Rehiyon V.

#### IV. Gabay ng Pamamaraan

##### a. Pagpapatupad

Ang Pampinansiyal na Kaalamang Programa ng Cha-Ching ay ipatutupad sa lahat ng mga mag-aaral sa baitang 4 ng mga pampublikong paaralan sa rehiyon V simula ngayong taong-panuruan 2020-2021.

Samantalang ang sa pampridadong mga paaralan ay sa sariling pagpapasya ng mga namamahala; kung nais magpatupad kailangan ang liham-kahilingan sa panrehiyong direktor na ipadadala sa rehiyon sa pamamagitan ng liham-paglilipat mula sa sangay.

Ang paghahatid ng pagkatuto sa taong-panuruang ito at hangga't hindi pa maaari ang karaniwang harapang guro-mag-aaral na proseso ng pagtuturo at pagkatuto ay sa pamamagitan ng *modular distance learning* gamit ang kontekstuwalisadong modyul ng Cha-Ching.

##### b. Pamamahagi

Libre at walang kaukulang bayad ang pamamahagi ng digital at limbag na kopya ng mga modyul ng Cha-Ching sa mga guro at mga mag-aaral.



Regional Center Site, Rawis, Legazpi City 4500

0917 178 1288





Republic of the Philippines  
**Department of Education**  
REGION V - BICOL

Ang mga modyul ay nakalaan lamang para sa pagtuturo at pagkatuto. Hindi ito maaaring ilimbag o paramihin sa elektronikong paraan para sa pangkomersiyal na layunin.

Walang bahagi ng modyul na maaaring ibahagi sa publiko sa kahit na anong anyo ng social media tulad ng facebook, google+, WhatsApp, atbp. Ang pagbabahagi at paglilipat sa ibang anyo ay nangangailangan ng permiso sa nagmamay-ari ng karapatan nito.

Sa unang taon ng pamamahagi ang gastusin sa pagpapalimbag ng mga modyul at pagpapadala sa mga sangay ay mula sa pondo ng JA Philippines samantalang ang paraan at gastusin sa paghahatid ng mga modyul sa tahanan ng mga mag-aaral at pagbalik nito ay mula sa lokal na pondo ng sangay/paaralan at iba pang pondo na dadaan sa kinagawiang pagsusuma at pagsusuri. Ang sa susunod na mga taon ay iaayon sa likas na kalagayan at pagkakasunduan ng DepEd Rehiyon V at ng JA Philippines.

### c. Paggamit

Ang mga modyul ay binuo para sa mga mag-aaral sa Baitang 4. Hindi ito integrasyon sa isang partikular na asignatura bagkus ito ay malaya at mapatnubay na tahasang (eksplisit) tinuturo ang pangunahing konsepto ng pamperang pamamahala at mga pagpapahalaga pampinansiyal na kaalaman.

Ang mga modyul ay hindi pamalit bagkus karagdagan (supplemental) sa mga kagamitang pampagkatuto na tutugon sa pinakamahahalagang kasanayang pampagkatuto sa mga asignatura tulad ng Edukasyon sa Pagpapakatao, Matematika, Filipino at iba pa. Nasa estratehiya at pagpasya ng guro kung saan angkop na bigyan ng kredito ang natapos na mga modyul ng mag-aaral. Maaaring sa akademiko o sa aspeto ng pag-uugali na ayon sa *DepEd Order No.8 s. 2015, Policy Guidelines on Classroom Assessment for the K to 12 Basic Education Program*.

Ang modyul ay naglalaman ng **pansariling-pagtuturo at pansariling-pagkatutong** mga kagamitan na papatnubay sa mga mag-aaral na gumawa nang nag-iisa o kung hindi man ay minimum na gabay lamang ng magulang o ng kasama sa bahay. Kailangan na mabigyan ng oryentasyon ang magulang, o kung sinuman ang kasama sa bahay na gagabay sa kanila sa paggamit ng modyul.



Regional Center Site, Rawis, Legazpi City 4500

0917 178 1288







Republic of the Philippines  
**Department of Education**  
REGION V - BICOL

Maging maluwag sa oras at bilis sa pagsasagawa ng mag-aaral ng mga gawain sa modyul. May anim (6) na modyul ang Cha-Ching kung kaya't maaaring isang (1) modyul lamang ang pag-aaralan ng mag-aaral sa loob ng isang linggo o kada dalawang (2) linggo upang mabigyan ng sapat na panahon na maisagawa ang ilang gawain sa modyul na kinakailangan ang paglahok ng iba/buong kasapi ng pamilya.

Bilang pagsaalang-alang sa bagong karaniwang konteksto ng pagtuturo at pagkatuto, ang tuon ng lahat ng gawain ay kailangan sa **pagkatuto at hindi para sa pagsunod lamang (on learning and not compliance)**. Hayaan ang mga mag-aaral na maging malaya sa pag-ulit, pagpakita ng pag-unlad at pagkumpleto ng aralin sa kung anong kaya nilang gawin. Kailangang unahin pa rin ang emosyonal at pisikal na kalusugan at kaligtasan ng mga mag-aaral habang natuto.

**d. Pagtatasa/Pagtataya**

Ang panimulang pagsubok at panapos na pagsubok sa modyul ay magsisilbing pansariling-pagtatasa para sa mag-aaral upang mabatid ang kaniyang kaalaman sa aralin bago at pagkatapos niyang mapag-aralan ang modyul.

Ang Cha-Ching modyul ay batay sa aktibong dulog ng pagkatuto (active learning approach) na kung saan ang proseso ng pagkatuto sa halip na lektur ay dinaan sa serye ng mga tanong, laro, at makatotohanang senaryo na susukat/magtataya sa pang-unawa at matalinong pagpapasyang pampinansiyal ng mag-aaral. Ang pagganap niya sa mga gawaing ito ang magsisilbing pagtataya ng natutuhan ng mag-aaral sa modyul. Guro ang magpapasya ng pamantayan sa pagbibigay ng marka batay sa hinihinging pagganap (performance output) ng Cha-Ching modyul.

**e. Pagsubaybay**

Ang mga pinuno ng mga paaralan/tagamasid pampurok ang susubaybay sa paggamit ng mga modyul, kawastuhan ng impormasyon ng kagamitan at kabisaan nito. Ang pagbibigay ng ulat sa mga isyu at alalahanin kaugnay nito ay ipapaabot sa DepEd Rehiyon V at sa JA Philippines sa pamamagitan ng mga pansangay na tagapag-ugnay ng programa. Ito ang magiging batayan para sa pagpapabuti ng kagamitang pampagkatuto.



Regional Center Site, Rawis, Legazpi City 4500

0917 178 1288





Republic of the Philippines  
**Department of Education**  
REGION V - BICOL

---

### V. Oryentasyon/Pagsasanay

Ang DepEd Rehiyon V sa tulong ng JA Philippines ay magsasagawa ng oryentasyon/pagsasanay sa lahat ng kasangkot sa pagpapatupad ng pampinansiyal na kaalamang programa ng Cha-Ching. Kinakailangan na ang lahat ng guro sa baitang 4 ay dumalo at lumahok sa pagsasanay ng programang Cha-Ching bago ang pagpapatupad nito.

Layunin ng pagsasanay na maihanda ang mga guro sa paghahatid ng pagkatuto ng mga mag-aaral sa baitang 4 sa daloy ng pera at sa apat na konseptong pampera: Kumita, Mag-ipon, Gumastos at Magkawanggawa. Kung sakaling may guro sa baitang 4 na hindi nakadalo sa pagsasanay, ang sangay sa pamamagitan ng pansangay na tagapag-ugnay ang titiyak na maibaba at mabibigyan ng pagsasanay ang mga guro bago maipatupad ang programang Cha-Ching.

Ang sangay/paaralan ang magbibigay ng oryentasyon sa mga magulang o tagagabay sa pangangasiwa ng mga tagapag-ugnay ng programa.

### VI. Sanggunian

Ang gabay ay nabuo batay sa mga nakasaad sa sumusunod:

Regional Memorandum No.43 s. 2020, *"Implementation of the Cha-Ching Program SY 2020-2021"*

Regional Memorandum RM 006198 s. 2020, *"Utilization of the Cha-Ching Curriculum Materials "*

Regional Memorandum RM 010758 s. 2020, *"Guidelines on the Distribution and Utilization of the Regionally Developed Self-Learning Modules (SLMs)"*

### VII. Bisa

Ang gabay ay magkakaroon ng bisa sa oras na ito ay mapagtibay.



Regional Center Site, Rawis, Legazpi City 4500

0917 178 1288

